

## Upatanisho – Msingi wa Amani Yetu

*Amani nawaachieni; amani yangi nawapa; niwapavyo mimi sio kama ulimwengu utoavyo. Msifadhaike mioyoni mwenu, wala msiwe na woga. Yohana 14:27.*

**Y**esu anasema, “Amani yangu nawapa; niwapavyo mimi sio kama ulimwengu utoavyo msifadhaike mioyoni mwenu wala msiwe na woga.” Amani inayoongelewa na Mwalimu mkuu ni kubwa na nyingi zaidi ya vile tunavyofikiri. Kristo yuko tayari kufanya mambo makubwa kwa ajili yetu, kuumba upya asili yetu kwa kutufanya kuwa washirika pamoja Naye katika asili Yake takatifu. Anangoja kuunganisha mioyo yetu na moyo Wake wa upendo wa milele, ili tuweze kupatanishwa kikamilifu na Mungu; lakini ni fadhila kubwa kwetu kutambua kwamba Mungu anatupenda kama anavyompenda Mwanaye.

Tunapomwamini Kristo kama Mkombozi wetu binafsi, amani ya Kristo inakuwa yetu. Suluhu iliyopatikana kupitia upatanisho wa Kristo ni msingi wa amani yetu; lakini hisia za utusitusi si uthibitisho kwamba ahadi za Mungu hazitimii. Unazitazama hisia zako na kwa sababu muonekano wako wa nje haujawa na mng’ao angavu wote, unaanza kuvuta karibu zaidi vazi la uzito kuhusu nafsi yako. Unajitazama ndani yako mwenyewe, unahisi kama Mungu amekuacha. Unatakiwa kumtazama Kristo. Ndani yangu, Kristo anasema, utapata amani. Tunapoingia katika ushirika na mwokozi wetu, tunaingia katika ukanda wa amani.

Shetani anatuharibu, lakini Kristo ni mrejeshaji wetu. Tunatakiwa kuweka imani yetu katika vitendo endelevu na kumwamini Mungu, bila kujali hisia zetu. Isaya anasema “Ni nani kati yenu amchaye BWANA, atiiye sauti ya mtumishi wake? Yeye aendaye katika giza, wala hana nuru, naye alitumainia jina la BWANA, na kumtegemea Mungu wake.” Unaweza kusema pamoja na mtunga zaburi “Naam, nijapopita kati ya bnde la uvuli wa mauti, sitaogopa mabaya; Kwa maana wewe upo pamoja nami, Gongo lako na fimbo yako vyanifariji. Waandaa meza mbele yangu, machoni pa watesi wangu, umenipaka mafuta kichwani pangu, na kikombe changu kinafurika.

Hakika wema na fadhili zitanifuata siku zote za maisha yangu; Nami nitakaa nyumbani mwa BWANA milele.” “Mwaminini Bwana Mungu wenu: ndivyo mtakavyothibitika; waaminini manabii wake, ndivyo mtakavyofanikiwa. Naye alipokwisha kufanya shauri na watu, akawaweka wale watakao mwimbia BWANA, na kumsifu katika uzuri wa utakatifu, wakitoka mbele ya jeshi, na kusema, Mshukuruni BWANA; kwa maana fadhili zake ni za milele. Nao walipoanza kuimba na kusifu, BWANA akaweka waviziao juu ya wana wa Amoni, na Moabu, na wa mlima Seiri, waliokuja juu ya Yuda; nao wakapigwa.” “Heshima hii ni kwenu ninyi mnaoamini.” Zingatia ukweli kwamba Bwana amemtoa Mwana Wake wa pekee, “ili kila mtu amwaminiye asipotee, bali awe na uzima wa milele”

(The Review and Herald, Mei 19, 1896).